

JU OŠ „MEŠA SELIMOVIĆ“ SARAJEVO

Broj: 07-95/26

Sarajevo, 21.01.2026. godine

Na osnovu člana 65. Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“ br: 27/24) i člana 3. Pravilnika o uvjetima za upis učenika u prvi razred osnovne škole („Službene novine Kantona Sarajevo“ broj: 19/25) direktor Javne ustanove JU OŠ „Meša Selimović“ Sarajevo, objavljuje

P O Z I V

ZA UPIS DJECE U PRVI RAZRED OSNOVNE ŠKOLE ZA ŠKOLSKU 2026/2027. GODINU

I - Upis djece u I razred osnovne škole vršit će se u **mjesecu FEBRUARU**, u terminu **od 02.02.2026. do 27.02.2026. godine**. Izuzetno, upis u školu je moguće organizirati i u mjesecu augustu, a zbog objektivnih razloga i tokom školske godine.

II - U **prvi razred školske 2026/2027. godine** će se **upisati djeca koja do 01.03.2026. godine imaju navršених pet i po godina života**.

Škola može omogućiti upis i djetetu mlađem od utvrđene starosne dobi za početak obaveznog odgoja i obrazovanja, uz pismeni zahtjev roditelja/staratelja djeteta i ako škola, nakon što razmotri preporuke Komisije za upis učenika u prvi razred, da mišljenje da je to u najboljem interesu djeteta.

Upis djeteta mlađeg od utvrđene starosne dobi može se izvršiti samo ako dijete do kraja kalendarske godine puni šest godina života. Izuzetno, uz stručno mišljenje komisije koju imenuje Ministarstvo za odgoj i obrazovanje Kantona Sarajevo može se izvršiti upis djeteta koje šest godina života puni poslije kraja kalendarske godine.

III - Školsko područje Javne ustanove Osnovna škola „Meša Selimović“ Sarajevo obuhvata sljedeće ulice mjesnih zajednica Alipašino polje A i C faza i mjesne zajednice Švrakino selo II, Geteova – dio ulice, Trg nezavisnosti, Bosanska – dio ulice, Ive Andrića, Bajrama Zenunija – dio ulice, Trg solidarnosti, Olimpijska – dio ulice, Safeta Hadžića – dio ulice, Višegradska – dio ulice, Sulejmana Pačariza hodže – dio ulice, Hasiba Brankovića – dio ulice, Ferida Srnje – dio ulice, Vejsila Čurčića – dio ulice i Rasima Turkušića – dio ulice.

U skladu sa članom 62. stav (7) Zakona o odgoju i obrazovanju u osnovnoj i srednjoj školi, po zahtjevu roditelja, Škola može upisati i učenike koji ne pripadaju navedenom školskom području u skladu sa raspoloživim prostornim i kadrovskim kapacitetima uz obavezu poštivanja Pedagoških standarda i općih normativa za osnovni odgoj i obrazovanje, pri čemu prednost i prioritet prilikom upisa imaju učenici koji pripadaju školskom području.

IV - Za upis djece u prvi razred školske 2026/2027. godine potrebno je da roditelj/staratelj djeteta preuzme obrazac „Prijava za upis djeteta u prvi razred 2026/2027. godine“ u predškolskoj ustanovi koju dijete pohađa, te popunjeni obrazac, uz ostalu zakonom propisanu dokumentaciju, dostavi na e-mail adresu Škole upis.prvacica.ms@gmail.com ili lično svaki radni dan u terminu od 10,00 do 14,00 sati.

V – Roditelj kod prijavljivanja djeteta za upis u školu dostavlja:

1. Izvod iz matične knjige rođenih/original ili ovjerena kopija;
2. Ljekarsko uvjerenje o psihofizičkom stanju djeteta za upis u školu i zdravstvenom statusu s opisom poteškoća (u Domu zdravlja gdje dijete ima otvoren karton);
3. Uvjerenje/certifikat o pohađanju obaveznog predškolskog programa za djecu u godini pred polazak u školu, kojeg izdaje predškolska ustanova;
4. CIPS prijava boravka, kao dokaz o pripadnosti školskom području – na uvid;

O terminima testiranja i dostavljanja originalne dokumentacije iz tačke IV i V roditelji/staratelji djece će biti blagovremeno obaviješteni putem e-maila ili telefona.

D I R E K T O R

Hamdo Radonja, s.r.